

“ es? narra, cogitaque modestorum RAGHUIDARUM animum ab alienis
“ mulieribus aversum esse.”

9. Cui illa respondit: “ In qua urbe non vituperanda cives regebantur
“ a patre tuo, propriæ suæ habitationis cupido, illius, rex, nosce me deam
“ tutelarem, nunc domino desertam.

10. “ Illa ego, quæ antea prosperitate meâ, in qua propter imperium
“ faustum solemnia instituebantur, ipsam KUPERÆ urbem superabam,
“ nunc sub te, omni potestate prædito, e Solis stirpe oriundo, in statum
“ miserrimum redacta sum.

11. “ Urbs, in qua domino meo absente centenarum domorum cubicula
“ superiora concidebant, et vestibula dilapsa jacent, imitatur diei finem,
“ quando sol pone montem occidentalem descendit, nubesque vento vehe-
“ menti dispersæ sunt.

12. “ In via regia, ubi olim noctu convenire solebant puellæ lascivæ, pedes
“ splendentibus dulceque sonantibus annulis ornatae, nunc vagantur canes
“ aurei, ululantium orum flamma carnem quærentes.

13. “ Aqua illa in lacubus, quæ mulierum manibus icta altum tympani
“ sonum reddere solebat, nunc bovim ferocium cornibus percussa sonat.

14. “ Pavones, qui oblectationis causa alebantur, et in arboribus dormire
“ solebant, fractis plantis, quæ sedes eorum erant, atque tympani sono ces-
“ sante, segnes, caudarum parte e sylvæ flamma servata, pavonum ferorum
“ indolem induerunt.

15. “ In scalarum mearum gradibus, ubi feminæ pulchræ pedes fucatos
“ deponebant, nunc tigrides, quæ modo capreas occiderunt, pedes ponunt
“ sanguine inquinatos.

16. “ Elephanti picti, in lotorum sylvam descendentes atque a femellis
“ suis caules decerptos accipientes, tempora unguium, quasi uncorum icti-
“ bus vulnerati, certamen ineunt cum leonibus furentibus.

17. “ In columnis statuarum, feminas repræsentantium, quæ colore amisso
“ pulvere tectæ sunt, pellium texturæ, a serpentibus abjectæ, adhærentes
“ pectorum vestes evadunt.

18. “ In ædium tectis, quorum tegulæ per longum temporis spatium